

上清靈寶大法卷之二十九

仙二

洞玄靈寶法師曹執中撰童初府右初治金允中編

奏申文檄品

青詞關

靈寶大法司

本司今月某日夜為某人追薦某人開建道場所有齋官青詞合行騰進除望闕宣奏訖今逐一用方函封印全須至關發者

右關某日某時當直功曹使者上界直符捧詣三天門下投進即請使騎星飛靈車速駕

昇無極之天闕赴合屬之宮曹火急傳馳以時奏進庶使精衷上達詞悃亟通毋致稽停早垂玄感故關

發五府申狀關

靈寶大法司 關 童初府時直使者

當司隸名三天門下通籍重明上宮鷹童

初府之詞章攝翊治所之職任遵行教典合行科條事應上聞法許關告當憑時直主者逕達本屬真司今有緊切申牘須至關發者

一申狀一方函封印全上詣

上清童初府申上

右關某日時當直主者請騰翔雲路軒翥天衢馳神騎於頃刻之間達至悃於呼吸之際詞陳速傳官府即聞如有故氣之妄侵以致

鬼邪而敢阻即須攝赴天獄速送冥曹究其罪源寘之玄憲仍使箋牘之上達早希報應之下臨立待感通幸毋稽延故關

發北斗狀關

靈寶大法司 關 日時當直功曹二使者

當司執職玄曹嗣法天省攝濟顯拔幽之任備除邪立正之司法許申騰格當關告今有緊切文狀上詣中天北斗宮事應具聞合行關者

一申狀一函封印全上詣

中天北斗九皇星宮申上

右關某日時當直功曹二使者控轡雲衢騰身霄路入罡風而穿灑炁上徹星宮持封事而達凡忱即聞斗極如鬼妖之敢侮或邪崇之妄干即擒解所屬真司攝赴就近天獄

庶使詞陳不壅報應亟彰立待通傳切勿遲滯故關

發獄府狀引

靈寶大法司

本司嗣法靈寶南曹攝五元素府理宜濟度隱顯格當關告幽冥地界之神自應遵奉玄科之式所合按行今有急切公文前詣獄官申上特憑遞發須至專行

一申狀一函重封印全謹上詣

東嶽帝官申上 如申府即云東嶽泰山府申上

右引某處里域土地至東嶽下沿路土地及地界合屬干係等神請承領公狀準此所行以次轉遞齋持逐處分明交度勿違時刻作急通傳如有故炁干侵以致下邪邀截即須擒解泰山曹局攝所屬城隍盡理窮研依律根治所有公狀仍與申聞毋輒稽延立須響應

太歲 年 月 日時引

發城隍牒引

靈寶大法司

本司受命上穹分司玄職總錄顯幽之不
典督察妖異之亂常依按科條合移文牒
今有公牒一角封印全前赴某處城隍司
投下須至專行

右仰某處里域土地正神仰承領引文齋持
公牒前詣城隍主者神前即時分明投下急
速傳達亟切通聞如有邪鬼干侵妖異阻截
一就擒解攝行究治罪源寘之天律須管公
文即達不請頃刻稽延

太歲 年 月 日引

告救苦符關

靈寶大法司

當司今為某人崇建某齋拔度係薦某鬼
及五道三塗四生萬類一切孤冤今有符
命須至告下

元始符命金籙白簡真符

太上破地獄真符

太上拔幽冤真符

東極青宮救苦九龍符命

此符若作專牒則於關內

除去飛天神人

右關十方飛天神人玄都炎龍驛吏六道功
曹齋持符命遍詣三界十方冥關幽路天牢
地獄嶽瀆靈司分野各山城隍里社應干合
屬去處拔度亡故某人等魂及五道三塗四
生萬類一切幽冤滯奠並與疾除罪薄落滅
惡根出離冥關悉詣齋所領雷天澤證品超
生不許稽違有妨開度故關

太歲 年 月 日時關

告長生符關

靈寶大法司

當司今為某崇建某齋薦拔某人今有長
生靈符須至告下

右關金龍驛吏齋持符命遍詣南方丹天世
界超度亡故某人等冤及五道三塗四生萬
類一切幽冤滯魄鍊神流火度鬼朱陵火急
奉行毋得稽滯故關

奉行毋得稽滯故關

太歲 年 月 日時關

專發九龍符命關牒

靈寶大法司

當司今為某崇建某齋拔度亡故某人等

寬今有東極青宮九龍符命須至告下
右牒十方飛天神人九龍符命使者普詣三
界十方冥關幽路黃泉夜府嶽瀆靈司分野
各山城隍社令一切天牢地獄主者咸領符
命拔度亡故某人等冤及五道三塗四生萬
類滯奠幽靈赦滌愆非解除考對拔出地戶
超脫重陰徑詣道場恭承齋薦請火急施行
謹牒

太歲 年 月 日時牒

正薦功德牒

靈寶大法司

當司先據某鄉云云投詞乞行崇建黃籙
大齋薦拔某人超生善境除已按科修崇
並已周圓須至給牒為據者
一某月某日具奏

一帝申聞三界真司預告齋事

一某月某日第二次具奏

天關申聞上境真司關告地水合屬去處
敷告齋事

一拜奏

素車白馬章一通 開通道路章一通
 沐浴鍊度章一通 鄭都拔罪章一通
 昇度七人章一通 救苦表一通
 木公金母鍊度表通 九天上帝表一通
 啓師牋 六通 謝師牋 六通
 青詞 幾通 言功 朱表
 一齋壇告下
 救苦真符 長生靈符
 九龍符命 破地獄真
 拔幽寃真符 神虎玉札
 元始符命 普告三界符
 歷關諸天符 敕制地祇符
 出離生死符 太上敕救生天寶錄
 一請光破暗
 一宿啓建壇
 一敷露玉文
 一正齋三日幾時升壇轉經
 一關點
 九獄神燈破獄開關 九危神燈
 一攝召寃儀沐浴朝真

一呪施雲廚妙饌
 一普召五道三途幽寃沐浴朝真謁帝
 一恭行水火鍊度
 一修設
 三界高真清醮分位上謝天恩
 一投送
 三簡紀勅齋功
 一傳授
 靈寶上天黃籙一階
 一給付
 昇天大券
 四鎮合同符一分
 一建立
 遷神寶籙
 一印給
 太上某經
 一焚化
 冥財
 牒前件功德並用資薦亡故某人承茲善果
 頓悟宿因蕩塵漏以俱空解沉迷而盡釋萬

類不着一性自真永離幽夜之鄉早步逍遙
 之境人間天上執此為憑故牒
 太歲 年 月 日牒
 齋事告終謝恩設醮乃召儀也謂勞動神
 靈召役將吏合行酬謝故於散壇之次三
 獻效禮與其餘醮設不同是以正奏狀
 內各請俯賜齋壇故今不用請醮狀矣凡
 文移所及之處並列醮位却逐一專狀獻
 謝今列獻狀于左右其餘醮告合專狀請
 降者自從事而行
 進獻狀
 具醮官_臣姓_某
 龍車一座
 右謹隨狀上進以聞謹進
 太歲 年 月 日具醮官_臣姓_某上進
 具高功_臣姓_某勝進
 上界列真獻狀
 具醮官_臣姓_某
 雲馬一騎
 金錢一分

右謹貢獻以聞謹狀

太歲年 月 日具醮官_臣姓_某狀

具高功_臣姓_某騰進

中界下界獻狀

具醮官_臣姓_某

雲馬一騎

金錢一分

右謹上獻伏望聖慈俯賜鑒納謹狀

太歲年 月 日具醮官_臣姓_某狀

具高功_臣姓_某

發龍車狀關

靈寶大法司

今月某日為某修建某齋滿散設醮謝恩

所有齋官進獻上帝龍車隨狀以聞須至

關發者

右關某日某時當直功曹上界直符使者請

上詣

天庋投進不請稽延故關

太歲年 月 日 時關

三界醮儀關

靈寶大法司

當司今月某日為某人修建某齋滿散修

設三界高真清醮幾分位昭答天恩所有

醮獻錢馬須至關發者

逐一開具

右關三界直符年月日時四直功曹里域等

神即請分司逐一投達高極三天之上旁周

六合之中預醮真靈齋壇官屬咸通致悃各

貢微儀希神騎之速馳庶醮誠之母壅幸遵

真教上贊玄科故關

天省謝過狀

具法位_臣姓_某

不避深譴再露微衷仰冀慈憐始終寬

宥_臣昨據云云投詞崇建某齋幾晝夜設

醮謝恩除已祇率法流關行事畢竊慮_臣

等資品庸下性識昏蒙不練教科未能隱

興犯違禁戒謬度典章朝謁非儀奏申失

格詞章繁贖符篆乖訛以致辜結天司名

書黑簡闡壇戰懼無地措躬須至申聞者

右謹具申

三天門下泰玄都省主宰高真伏望真慈曲垂省錄特與敷奏天關仰希原赦_臣等自建齋至于滿散一切罪犯剔除過籍滌洗瑕愆庶齋福無虧生靈蒙祐_臣干冒真威不勝惶懼之至謹狀

太歲年 月 日 具法位_臣姓_某狀

童初府謝過狀

具法位_臣姓_某

不避深譴_{同前省狀式}

右謹具申

三天扶教輔元大法師正一靜應真君_{列四位}

恭望真慈_{同前省狀式}

發狀關

靈寶大法司

今發緊切申狀二函上詣

三天門下泰玄都省

上清童初府須至關遣者

右關某日某時當直功曹上界直符使者速

邁雲程急馳懸馭俾誠悃亟通於上境庶詞

章早徹於真司佇俟神功即昭玄應故關

太歲 年月 日 時 關

右謝過二狀以六幕諸真並有謝牋惟天
省并五府合行首陳懲犯天師已在六幕
內今申聞五府又不容除去天師一位但
不行此之士主行自宜除此一狀却專申
天省而已

又榜文

齋壇舊榜文舊科所有者不甚繁雜若隨
俗增益恐徒費紙劄於事無備如近世有
告諭將吏誓言榜又有約束將吏榜顯然
重復此類尚多今擇其不可免者從舊式
重撰于左如神虎壇榜合在神虎攝召品
晚諭孤寬榜合在施食普度品蓋恐章表
局書繕欲得檢式皆聚一處故以諸榜悉
附文檄之品只章表自作一品也

齋壇節次榜

靈寶黃籙大齋壇

本壇今月某日為某崇建無上靈寶黃籙
大齋幾晝夜上資邦國普福生靈濟拔五
道三塗開度四生萬類集茲善果專用追

薦亡故某寬靈超生善境謹率同齋之士
共宏無上之科宜立成規免違玄範法事
節次遵此按行

逐一開具 詳細並見黃籙次序

右榜壇所普用資聞各宜整暇肅容循規合
式常須進止有序毋令關奏失儀共竭精誠
上祈感格故榜

太歲 年 月 日 榜

具位高功姓某 押

經榜

黃籙齋壇

本壇今月某日為某崇建無上黃籙大齋
福國康時拔幽濟顯廣資萬類普度三塗
集諸善功用薦亡故某人早遂超昇除已
具錄奏聞尅期修建今先以某日看誦仙
經講宣妙旨上獻十方高真開化萬類幽
寬謹列品目于後
太上洞玄靈寶無量度人上品妙經
太上洞玄靈寶自然九天生神玉章
元始靈書中篇大梵隱語

太上老君說常清靜經 已上祝獻
十方三界上聖高真齋壇醮席一切聖
眾

太上洞玄靈寶無量度人上品妙經

太上洞玄靈寶自然生神章經

太上道德經 元始靈書中篇大梵隱

語黃庭內景玉經已上開度係薦亡寬

太上洞玄靈寶無量度人上品妙經

太上洞玄靈寶自然生神章經

太上道德經 元始靈書中篇大梵隱

語黃庭內景玉經已上開度五道三塗

四生萬類一切幽寬

右伏以玉笈琅函發靈機於上境金書瓊札
乎妙化於人寰保劫運於無窮拯顯幽而普
濟以令齋期將屆經席宏開仗此善功用祈
景賜尚冀同齋羽褐預職壇官誠意而精心
俾毋差於想念肅容而端已使勿越於禮儀
所期感格於九清庶可保寧於萬彙皇圖延
永社稷允昌華夏和平顯幽全濟即使係薦
亡某普度沉靈俱霽清靜之風咸達希夷之

妙旁均有識同證無為故榜

年月日榜

列六職位姓 某

具高功職姓 某

右經榜乃欲看誦俱能見數故也每日晚

誦經畢當榜內經文品目之下注云某

誦幾過日分足則併計而疏之庶不差疊

亦不必預定過數恐數目多而誠心簡怠

也今榜所叙諸品經目與近世所行頗不

同蓋古來靈寶法中叙云黃籙前期三十

六日預修誦經堂率同齋之士入靖對齋

不交人事精誠看誦度人上品妙經九天

生神章經道德二篇黃庭玉經近期則習

儀演事此古法也所謂入靖者使塵俗不

侵內外專一毋人物往來言辭煩雜始可

存神誦經思真念道初非天台靈寶法中

妄立靖名欺世罔人之比所以經書只稱

四品而不及級十不及一其間真偽錯綜

邪正混淆自非高才未易分別惟度人一

卷生神九章最為玄古故誦之致飛天下

觀萬神朝禮蓋以天中之音而感格高靈

也及其攝召亡魂聞經聽法於道德五千

文涵蘊混元之秘內景琴心訣包藏造化

之機倘誦之者深徹玄樞則亡魂豈不言

下開悟餘雜經有妙義之文固眾然道德

黃庭豈筆舌可殫上學高遠之人自能意

會淺近庸愚之輩因此榜與不如是不足

謂之非常道也

曉諭將吏榜

無上黃籙大齋壇

本壇切照黃籙科品實隸下元中宮策役

萬靈羅網九府上錄三界下總六天齋福

普覃無所不度靈光煥燭有感皆通天子

以至庶人皆得修奉幽關暨于陽境咸被

生成今齋主某入齋信祈恩東躬瀝悃請

修齋直願濟存亡是以按格騰詞依科藏

事舒壇立纂備物陳儀設職修齋轉經行

道盟天告地拜表上章追攝係薦亡靈普

召含情幽爽廣度三塗五道旁資萬類四

生除滌愆瑕脫離沉滯俚辭幽府悉赴齋

壇聽法聞經享食受度上祝

皇圖永固聖壽綿長六氣和平四民康樂

烽烟罷警禾稼豐登集此善緣專申追薦

亡某人等寬上及九祖七玄以致五音六

族先亡靈識近逝神儀超出重陰解除宿

垢度寬朱府鍊質丹天鍊炁聚真返生澄

性次保家門咸奉姻眷均休尚慮壇墀未

嚴禁戒罔肅下官故忝厭穢妖塵濁混靈

場冒登齋所違越禁忌敗亂紀綱或地界

神祇奉承簡怠或傳奏官吏關告稽延或

列職衆神失嚴守衛或里社主者不加專

勤倘有玷於齋功實上違於玉律事體至

重典格非輕事已屆期理難曉諭

右榜壇前請靈寶官屬執職萬神五元素府

天神將吏雷霆諸司主宰齋壇干繫衆神虔

遵黃籙之科共歲下元之格部率將佐篤役

吏兵會合當所城隍監勒合千里社衛護壇

界鎮肅方隅驅却妖氛掃清厭穢倘有拒逆

輒行干侵即請申收有司速送天獄依律研

究治罪施行所有章表文移悉資導達符章

命令咸藉宣通布九清十極之恩休度三界十方之沉滯祈帝真之鑒盼庶齋直之無魔率勵昭甦普天全濟解壇散席拜表言功一如太真之儀用謝至神之貺故榜

年月 日榜

具高功姓 某 押

神虎攝召壇榜

黃籙大齋壇

本壇今月某日為某崇建黃籙大齋恭按科儀合行攝召係薦眾寬各家宗祖及五道三塗四生萬類含情抱識滯爽沉靈附攝見形領薦受度切照瓊編紫笈大敷濟物之科王札丹文顯著召寬之格開九泉之昏暗拯萬國之幽沉降九龍符命以頌恩仗七司玉女而宣令雄左雌右三境而下六天陽耀陰靈追眾寬而集薰鬼召攝毋稽於頃刻報應立待於須臾歲大道之神功遂皇氏之精禱即行拘集成俾昭彰已立靈壇須至曉諭
右榜請北魁玄範府官吏七真玉女本司追

攝合千官吏遵奉真符頌行玉札遍詣十方三界五嶽九幽十洞六天九州萬國名山福地江海河源典祀神庭城隍社令黃泉蒿里幽路冥關主宰寬鬼之司校量罪福之所嚴行追攝速與根尋係薦亡靈萬類幽爽差撥官將部衛形寬出夜府以來臨附靈幡而報應功成事畢拜表叙勲故榜

年月 日 榜

具高功法位姓 押

率勵壇官榜

建齋設醮高功之職首領一壇禮絕眾官乃齋法也但共壇之士不過同學之人為眾官所合共尊高功而高功亦宜自處謙退近者申嚴壇眾乃以榜約束眾官誠非可行之格今止作高功僉名率勵壇官庶為允當
某伏聞大道開先高真憫物先天立教歷劫度人數二十七品之齋列四十二等之醮和天安地保國寧家遂立法籙之班爰備關宣之職故奉教行科之士乃拔幽濟顯之司儻

能隨事以殫誠自可積功而度世欲精誠而不替宜典格之無虧或形失禮儀心妄專薦則高穹之蕩蕩未易感通兼玄憲之昭昭恐膺考罰青結三官之府過標五帝之官懼夫算減而福消甚至鬼沉而身墮如其若山林下士江海塵蹤學矣徒勤未遇真師之界付行之粗久幸蒙上帝之寬容然而事無間於重輕齋不拘於小大全藉壇官同志法眾協心贊助其行彌縫其闕左提右挈俾物墜於善功始敬終勤庶曲全於齋事從容登降和暢闡宣舉措勿越於真科想念不離於大道正乃心而誠乃意恭其事而守其規若心急而形恭將速欺天之罰苟意誠而理紊則貽失格之辜要當內外精專身心純篤閑居親愛之友不應戲笑於壇中平時悲怨之倚安敢忿恨於齋次敷宏大化本是非輕對越上真勢須自檢幸垂清聽同鑒丹忱某稟聞

曉諭孤寬榜

靈寶大法司

當司今月幾日為某崇建無上黃籙大

齋廣設斛食普度一切孤冤等眾或犯法赴刑身首異處或投河自縊非命而終或骨斷筋傷或陣亡兵死或沉痾久疾積滯腹心或腫痛瘡痍潰爛肢體或墮崖墜木或破質喪軀皆生世之時有形之際幻身淪沒失於正終迷執之情常為沉滯無歸之魄延注無窮但人之體軀假合而就百穀五味滋長肌膚手足行耳聞目見飢寒飽暖千動百為豈期皮肌血肉自能為之乃稟茲一靈聚為神炁神炁炁注五味以生炁散神馳百骸莫駐所謂肢體傷壞皮肉不全蓋以重濁之資無非有質之物一靈之職本何所傷然而幽爽沉靈孤冤滯鬼或銜刀帶索處於幽關或斷首殘身迷於鬼域病亡而未離痼疾產死而常帶血腥或恍惚而覩其形或夢寐而見其像固是尸骸損傷於人世豈得冤神零落於冥鄉四大百骸炁血之府血腥垢穢出於身中神已歸空身化塵土腥穢遺質之物沾污已往之神夫人生為有神死則為鬼

若刀與索無識無情用於一時終歸朽壞豈有冤識尚隨鬼身蓋有質之物而傷有形之軀既死之冤安能持有形之事物事實如此理極昭然良由執着形骸留戀尸體彼但記其命過之際所以惡終而茲在陰之靈復懷舊想志念着於體質之域故形儀如初死之時鬼迷執而成形人心疑而見像夫豈知有體則有全有闕有形則有病有安身常不存患將安在若於已死之後尚念在世之損傷亦已感矣今為無體之竟復慮生前之疾苦不其愚哉雖則分有昇沉多因自罹執着除已闕告靈寶官屬執職萬神曉悟孤冤開明正性亦在致壇之眾深悟此理應生前帶腥染穢橫死惡終之類當知已壞之骸不須顧戀有靈之識自可昇騰毋執感情緣無留戀尸體一朝警覺如出昏衢以損傷而斃者今不見其損傷以濁穢而亡者今何嘗有濁穢以殘疾而困者今亦無殘疾以聾啞為人者今亦自開聰一性沖融群迷頓決恩愛

豈能俱絕若戀着未有休期冤讎未易速忘然償報則何解釋赴壇相會恩怨一空況於富貴功名豈能長久金珠財寶安能終隨身已不存物猶難戀至此則貧賤何累富貴非榮萬事忘情回心易慮收召靈識整聚神儀沐浴朝真享食受薦陶以太和之靈澤鍊以丹霍之神輝返性履形超生度化福鄉可陟地獄成空為無上之因緣正好於茲而度脫須至曉示

右榜曉諭到壇孤冤等眾各宜知悉故榜

年月 日榜

具高功位姓某押

凡中竊詳建壇之式具存古典而行移闕申所以寓形其辭而達其事然行之有經用之合宜則不在乎過繁儻德不足以動幽冥學未至於通教典縱使千辭萬幅亦為徒然散壇設醮則止具獻狀蓋建齋正奏已行請降故不用請狀也若尋常非建大齋而專有醮設自合專請專獻各位具狀矣齋後之醮不用請狀乃廣成先生降

神設醮之式非自為之也若其醮位合照
奏申文移所及之司并齋內應干將吏並
當酬謝近者奏申甚廣而醮位或六十分
位而已更不參照元來申請去處理誠不
通兼奏告上帝之外合申牒三界有司乞
行下原釋罪寃而已仙三冥牢幽獄控犴之中
非承受法官文檄之所今於地界止申牒
酆都宮王宰冥曹僚屬使亡寃可拔則主
宰行下所隸之獄無所不可倘使齋誠難
達天命未頒雖移文陸續恐陰獄未必奉
承況地獄之中下界不可以數計經詰
互有所載如仙戒經正一經業報因緣經
諸書或云一十八獄又云三十六獄又三
官二十四獄此其略也幽昧之鄉陰冥之
境掌錄愆犯考理罪寃報係之曹隨處建
置官吏萬萬之衆無極無窮但其權網則
總于酆都北帝如六天主者十宮真君之
類則其有司之大者四明真公鬼官北斗
之類則其官僚之要者故逐一申聞矣此
外諸獄既不可盡名所是地獄文移並不

復用使其符命下速申牒可聞彼主宰之
司自能行下合屬幽牢矣行教之士欲張
惶罪福聳動見聞者自別為之不必行此
式也

上清靈寶大法卷之二十九

世三

三十一

正一天師清微弟子 洪百堅 製作

道教學術資訊網站

上清靈寶大法卷之三十

洞玄靈寶齋醮儀章卷之四十九

奏申文檄品

五老上帝狀方函上請 餘四狀函 東方青靈天皇

並四式函

具法位日姓某

右日報瀝丹衷上干

宸聽伏念日久膺職任竟乏功勤冀贖愆

瑕輒思利濟日謹據日謹錄狀上奏

東方青靈始老天君日下恭望

道慈允日所奏特與流光壇席鑒錄齋忱成

就善功提携幽顯庶俾思覃家國惠浹窮區

仍乞密錫五炁之生津陶鑄萬途之滯爽咸

令生化各遵昭蘇日干冒

道威下情無任不勝戰慄之至謹奏

申師補六職狀方函謹請 或稱門下 靈寶五師名

具法位日姓某

日不避褻瀆之誅存冒至真之聽伏念日

措身濁境馳識靈途存念乖違朝修簡墮

未能塞過苟活餘生尚荷寬息特容隸職

欲宏大教莫先度人日比據入事來詞誠